

Na osnovu člana 11., stav 2, Zakona o mladima Federacije Bosne i Hercegovine ("Službene novine Federacije BiH, broj:36/10), člana 55. Statuta Općine Ilijaš - prečišćeni tekst ("Službene novine Kantona Sarajevo", broj:20/09) i člana 99. Poslovnika o radu Općinskog vijeća Ilijaš ("Službene novine Kantona Sarajevo", broj:2/10 i 18/15), Općinsko vijeće Ilijaš na svojoj 15. sjednici, održanoj dana, 28.12.2017. godine, donijelo je:

**O D L U K U**  
**o usvajanju „STRATEGIJE PREMA MLADIMA OPĆINE ILIJAŠ SA**  
**AKCIONIM PLANOM 2018-2022.“**

Član 1.

Ovom Odlukom se usvaja „STRATEGIJE PREMA MLADIMA OPĆINE ILIJAŠ SA AKCIONIM PLANOM 2018-2022.“

Član 2.

U cilju praćenja realizacije Akcionog plana iz „STRATEGIJE PREMA MLADIMA OPĆINE ILIJAŠ SA AKCIONIM PLANOM 2018-2022.“, Općinski načelnik će imenovati: Tim za upravljanje implementaciom Strategije i Komisiju za monitoring i evaluaciju Strategije, te će utvrditi zadatke, mjere i rokove, kao i ostala pitanja vezana za njihov rad.

Član 3.

„STRATEGIJE PREMA MLADIMA OPĆINE ILIJAŠ SA AKCIONIM PLANOM 2018-2022.“ čini sastavni dio ove Odluke.

Član 4.

Ova Odluka stupa na snagu danom objavljivanja u "Službenim novinama Kantona Sarajevo", a primjenjivat će se u periodu od 01.01.2018. godine do 31.12.2022. godine.

Broj: 01/1-\_\_\_\_\_/17

Ilijaš, 28.12.2017.godine

Predsjedavajući  
Općinskog vijeća Ilijaš

\_\_\_\_\_  
Mahir Dević, prof.

## O b r a z l o ž e n j e

### I- Pravni osnov:

Pravni osnov za donošenje Odluke o usvajanju „STRATEGIJE PREMA MLADIMA OPĆINE ILIJAŠ SA AKCIONIM PLANOM 2018-2022.“ sadržan je u članu 11., stav 2, Zakona o mladima Federacije Bosne i Hercegovine ("Službene novine Federacije BiH, broj:36/10) koji definiše da "Svi nivoi vlasti u Federaciji BiH imaju obavezu definiranja, usvajanja i provođenja strategija prema mladima", članu 55. Statuta općine Ilijaš – prečišćeni tekst ("Službene novine Kantona Sarajevo", broj: 20/09) kojim su definisane nadležnosti Općinskog vijeća i u članu 99. Poslovnika Općinskog vijeća Ilijaš ("Službene novine Kantona Sarajevo", broj:2/10 i 18/15) kojim su definisani propisi koje donosi Općinsko vijeće.

### II- Razlozi za donošenje Odluke:

Programom rada Općinskog vijeća Ilijaš za 2017. godinu nije planirano donošenje Odluke o usvajanju „STRATEGIJE PREMA MLADIMA OPĆINE ILIJAŠ SA AKCIONIM PLANOM 2018-2022.“, ali se njeno donošenje pokazalo potrebnim.

U cilju podrške mladima, prema Članu 11. Zakona o mladima FBiH, svi nivoi vlasti u Federaciji imaju obavezu definirati, usvojiti i provoditi Strategiju prema mladima. Shodno navedenom članu Zakona, i općine kao jedan od nivoa vlasti u Federaciji BiH obavezne su definirati, usvojiti i provoditi Strategiju prema mladima na lokalnom nivou. Strategija prema mladima jeste dokument institucija vlasti sa programskim pristupom djelovanja prema mladima što uključuje definirane probleme i potrebe mladih, strateške pravce djelovanja te ciljeve Strategije i mjere za realizaciju ciljeva Strategije. Dakle, definirati Strategiju prema mladima značilo je analizirati postojeće stanje iz ove oblasti u lokalnoj zajednici, putem relevantnog upitnika ispitati i analizirati probleme i potrebe mladih, na osnovu dobijenih analiza izraditi izvještaj o položaju i potrebama mladih, formirati radno tijelo za potrebe izrade dokumenta, izraditi nacrt dokumenta, organizovati javnu raspravu, a zatim usvojiti dokument od strane predstavničkog tijela općine, to jeste, Općinskog vijeća.

Metodologija izrade strateškog dokumenta opisana je u članu 2. Prijedloga „STRATEGIJE PREMA MLADIMA OPĆINE ILIJAŠ SA AKCIONIM PLANOM 2018-2022.“

Zaključkom Općinskog vijeća broj:01/1-02-2741-20/17 sa 14. redovne sjednice od 30.11.2017. godine utvrđen je Nacrt „STRATEGIJE PREMA MLADIMA OPĆINE ILIJAŠ SA AKCIONIM PLANOM 2018-2022.“ koji je upućen u javnu raspravu u trajanju od 15 dana. Javna rasprava je trajala od 01. do 15.12.2017.godine. U javnoj raspravi su učestvovali političke stranke, omladinska udruženja, Vijeća učenika osnovnih i srednjih škola i ostale asocijacije i udruženja građana.

Zaključno sa 16.12.2017. godine u Službu za društvene djelatnosti i poslove mjesnih zajednica nije upućen ni jedan prijedlog ili primjedba na predloženi nacrt dokumenta.

### III- Obrazloženje pravnih rješenja sadržanih u Odluci:

Članom 1. definiše se predmet i sadržaj Odluke.

Članom 2. utvrđuje se obaveza Načelnika općine Ilijaš da imenuje Tim za upravljanje implementacijom Strategije i Komisiju za monitoring i evaluaciju Strategije, i utvrdi njihove zadatke, mjere i rokove, kao i ostala pitanja vezana za njihov rad.

Članom 3. definiše se da „STRATEGIJE PREMA MLADIMA OPĆINE ILIJAŠ SA AKCIONIM PLANOM 2018-2022.“ čini sastavni dio Odluke o usvajanju.

Članom 4. utvrđuje se stupanje na snagu Odluke.

### IV- Finansijska sredstva za provođenje Odluke:

Finansijska sredstva za provođenje Odluke obezbijedit će se u Budžetu Opštine Ilijaš.

Sredstva se mogu obezbjeđivati i iz drugih izvora ukoliko neko za to pokaže interes.

Predlagač Odluke je Općinski načelnik shodno odredbi člana 113. Poslovnika Općinskog vijeća Ilijaš /"Službene novine Kantona Sarajevo", broj: 02/10 i 18/15/.

Obrađivač Odluke je Služba za društvene djelatnosti i poslove mjesnih zajednica Općine Ilijaš.

Predlažemo Općinskom vijeću Ilijaš da Odluku o usvajanju „STRATEGIJE PREMA MLADIMA OPĆINE ILIJAŠ SA AKCIONIM PLANOM 2018-2022.“ donese u dostavljenom tekstu.

Ilijašu: 18. 12. 2017. godine

Služba za društvene djelatnosti i  
poslove mjesnih zajednica